

Bwrdd Iechyd Prifysgol Bae Abertawe

Heb eu cadarnhau

Cofnodion Cyfarfod y Bwrdd Iechyd a gynhaliwyd ar 25 Mawrth 2021

yn Ystafell y Mileniwm, Pencadlys y Bwrdd Iechyd, Baglan ac ar Zoom

Yn bresennol

Emma Woollett	Cadeirydd
Mark Hackett	Prif Weithredwr
Steve Spill	Is-gadeirydd
Andrew Jarrett	Aelod Cyswllt o'r Bwrdd
Christine Morrell	Cyfarwyddwr Dros Dro ar gyfer Therapiau a Gwyddor Iechyd
Christine Williams	Cyfarwyddwr Dros Dro ar gyfer Nyrsio a Phrofiad y Claf
Darren Griffiths	Cyfarwyddwr Cyllid Dros Dro
Kathryn Jones	Cyfarwyddwr Dros Dro ar gyfer y Gweithlu a Datblygu Sefydliadol
Keith Lloyd	Aelod Annibynnol
Keith Reid	Cyfarwyddwr Iechyd Cyhoeddus
Maggie Berry	Aelod Annibynnol
Mark Child	Aelod Annibynnol
Martin Sollis	Aelod Annibynnol
Martyn Waygood	Aelod Annibynnol
Reena Owen	Aelod Annibynnol
Richard Evans	Cyfarwyddwr Meddygol Gweithredol
Siân Harrop-Griffiths	Cyfarwyddwr Strategaeth
Tom Crick	Aelod Annibynnol
Nuria Zolle	Aelod Annibynnol

Hefyd yn bresennol:

Hannah Evans	Cyfarwyddwr Trawsnewid
Hugh Patrick	Cyngor Iechyd Cymuned
Irfon Rees	Pennaeth Staff
Matt John	Cyfarwyddwr Digidol
Rab McEwan	Prif Swyddog Gweithredu Dros Dro
Pam Wenger	Cyfarwyddwr Llywodraethu Corfforaethol
Liz Stauber	Pennaeth Llywodraethu Corfforaethol
Gaynor Richards	Prif Weithredwr ar gyfer Gwasanaethau Gwirfoddol Cyngor Castell-nedd Port Talbot (tan gofnod 71/21)
Lee Ellery	Cadeirydd Dros Dro ar gyfer Grŵp Cydgynhyrchu Gorllewin Morgannwg (tan gofnod 71/21)
Dorothy Edwards	Arweinydd Rhaglen ar gyfer Brechu (ar gyfer cofnod 64/21)

Rhif Cofnod		Camau Gweithredu
55/21	CROESO AC YMDDIHEURIADAU	
	Croesawodd Emma Woollett bawb i'r cyfarfod, yn enwedig Rab McEwan a ymunodd â'r sefydliad fel Prif Swyddog Gweithredu Dros Dro, a Christine Morrell sy'n Gyfarwyddwr Therapïau Dros Dro. Cafwyd ymddiheuriadau am absenoldeb gan Chris White, Prif Swyddog Gweithredu/Cyfarwyddwr Gofal Sylfaenol ac Iechyd Meddwl/Cyfarwyddwr ar gyfer Therapïau a Gwyddorau Iechyd, a Jackie Davies, Aelod Annibynnol.	
56/21	DATGAN BUDDIANNAU	
	Ni ddatganwyd unrhyw fuddiannau.	
57/21	STORI'R CLAF	
	Derbyniwyd stori'r claf a oedd yn nodi profiad merch 10 oed a benderfynodd gael ei choes i ffwrdd uwchben ei phen-glin ar ôl iddi gael diagnosis o ganser yr asgwrn. Am ei bod hi'n benderfynol o barhau i wneud athletau, atgyfeiriwyd hi i'r ganolfan aelodau artiffisial a chyfarpar (ALAC) yn Ysbyty Treforys, er mwyn iddi gael prosthesis. Er iddi adennill symudedd i allu gwneud y rhan fwyaf o'r gweithgareddau yr oedd hi'n eu mwynhau, nid oedd hi'n gallu rhedeg cystal ag y gallai, felly gweithiodd hi a'i theulu gyda'r ganolfan i ddatrys y broblem. Gwnaeth hi ragbrofi prosthesis chwaraeon i oedolion a gafodd effaith sylweddol arni hi a'i theulu, yn gorfforol ac yn emosiynol. Yn dilyn y gwaith hwn, datblygwyd polisi i alluogi dyfeisiau o'r un math i gael eu rhoi i gleifion ifanc eraill. Wrth drafod stori'r claf, codwyd y pwyntiau canlynol: Dywedodd Christine Williams fod y stori yn dangos sut mae'r camau holistig a gymerwyd gan yr ALAC wedi bod o fantais sylweddol, nid yn unig i'r claf yma, ond mae wedi arwain at newid mewn proses a fyddai o fudd i bobl eraill yn y dyfodol. Cynghorodd Siân Harrop-Griffiths fod y ganolfan yn Ysbyty Treforys yn wasanaeth arbenigol, ac mae'n un o dair yng Nghymru. Yn hanesyddol, bu anghyfiawnderau yn y cyllid a oedd yn golygu bod mynediad at y gwasanaeth yn ne-orllewin Cymru yn llai o'i gymharu	

	â'r canolfannau yng Nghaerdydd ac yng ngogledd Cymru. Gwnaed gwaith gyda Phwyllgor Gwasanaethau Iechyd Arbenigol Cymru (PGIAC) ynghylch hyn, a byddai'r cyllid ar gyfer 2021-22 yn fwy cyfiawn. Dywedodd Martin Waygood fod y fideo wedi cael ei ddangos i Bwyllgor Ansawdd a Diogelwch PGIAC yn wreiddiol, ac wedi cael ei gynhyrchu gan y claf ei hun fel ffordd o ddiolch i'r ALAC.	
Penderfyniad:	- Nodwyd stori'r claf.	
58/21	COFNODION Y CYFARFOD BLAENOROL	
	Derbyniwyd cofnodion y cyfarfod a gynhaliwyd ar 28 Ionawr 2021 a'u cadarnhau fel cofnod gwir a chywir.	
59/21	MATERION YN CODI	
	Nid oedd unrhyw faterion yn codi nad oeddent ar yr agenda.	
60/21	COFNOD GWEITHREDU	
	Derbyniwyd a nodwyd y cofnod gweithredu gyda'r diweddariad canlynol: (i) <u>Pwynt Gweithredu 33/21 – Cyflymwr Unionlin</u> Cynghorodd Siân Harrop-Griffiths fod y costau referniw ar gyfer y cyflymwr unionlin yn uwch oherwydd y gofynion cynnal a chadw. Ychwanegodd fod gwaith yn cael ei wneud gan y grŵp gwasanaeth i benderfynu ar ffyrdd y gallai'r costau gael eu lleihau.	
61/21	ADRODDIAD Y CADEIRYDD	
	Derbyniwyd adroddiad llafar yn rhoi'r wybodaeth ddiweddaraf gan y Cadeirydd. Wrth gyflwyno'r adroddiad, tynnodd Emma Woollett sylw at y pwyntiau canlynol:	

	- Roedd rhaid cydnabod llwyddiant y rhaglen frechu rhag Covid-19, gan fod yn betrus oherwydd bod achosion positif yn dal i gael eu nodi; - Roedd hi'n fraint cymryd drosodd fel Cadeirydd y Bwrdd Partneriaeth Rhanbarthol; - Cynhaliwyd seremoni ym mis Chwefror 2021 i nodi dechrau'r fferm solar yn Ysbyty Treforys a fyddai'n lleihau costau tanwydd ac ôl-troed carbon y bwrdd iechyd.	
Penderfyniad	- Dylid nodi'r adroddiad.	
62/21	ADRODDIAD Y PRIF WEITHREDWR	
	Derbyniwyd adroddiad yn rhoi'r wybodaeth ddiweddaraf gan y Prif Weithredwr. Wrth gyflwyno'r adroddiad, tynnodd Mark Hackett sylw at y pwyntiau canlynol: - Derbyniwyd cyllid cyfalaf o £5.5 miliwn gan Lywodraeth Cymru i wella triniaethau canser a diagnosteg o fewn fflwrosgopi ac efelychiadau tomograffeg gyfrifiadurol (CT); - Mae'n agos iawn at fod yn ei swydd am 100 diwrnod, ac yntau'n edrych ymlaen at ymgysylltu â phartneriaid ynghylch sut gallai materion ar y cyd gael eu datrys.	
Penderfyniad:	- Dylid nodi'r adroddiad.	
63/21	DIWEDDARIAD AM COVID-19	
	Derbyniwyd adroddiad yn rhoi'r wybodaeth ddiweddaraf am Covid-19. Wrth gyflwyno'r adroddiad, tynnodd Keith Reid sylw at y pwyntiau canlynol: - Parhaodd y bwrdd iechyd i weithredu'r dull ymateb ar gyfer digwyddiadau mawr; - Mae nifer yr achosion bellach yn uwch na throthwy pryder Sefydliad Iechyd y Byd (WHO), sef 50 achos o bob 100,000;	

	- Roedd cynnydd yn y nifer o geisiadau profi, ac roedd y gyfradd o ganlyniadau positif wedi codi i 4%; - Roedd nifer fach o glystyrau yn cyfrannu at y cynnydd mewn achosion, ond roedd y rhan fwyaf o'r cynnydd yn ymwneud â throsglwyddo cymunedol wrth i'r cyfyngiadau gael eu llacio; - Mae angen ystyried, felly, sut mae trosglwyddo o ymateb i wella. Wrth drafod yr adroddiad, codwyd y pwyntiau canlynol: Cyfeiriodd Nuria Zolle at y posibilrwydd o gyfyngiadau'n cael eu llacio ymhellach, a holodd a fyddai'r neges na all ymddygiadau newid oherwydd bod angen parhau i ddilyn y canllawiau yn aros. Ymatebodd Keith Reid fod hwn yn bwynt pwysig, a'i bod hi'n hanfodol nad ydym yn esgeulus wrth symud ymlaen. Ychwanegodd fod yr ôl-drafodaeth ynghylch yr ail don wedi dangos bod y feirws yn cael mwy o effaith ar y rhai sy'n byw mewn ardaloedd dan anfantais, a'i bod hi'n bwysig bod pob sefydliad partner rhanbarthol yn gweithio gyda'i gilydd i gyfeirio at yr anghydraddoldebau iechyd dan sylw. Cymeradwyodd Reena Owen yr ôl-drafodaeth, gan ychwanegu ei bod wedi dangos sut gallai'r bwrdd iechyd ymateb i her a gweithio'n hyblyg. Gwnaeth hi gydnabod bod staff yn flinedig, ond roedd ganddynt 'egni' ar ôl cyflawni gymaint, ac roedd yn bwysig i'r egni hwn beidio â diflannu.	
Penderfyniad:	- Dylid nodi'r adroddiad.	
64/21	RHAGLEN FRECHU	
	Derbyniwyd adroddiad yn nodi'r rhaglen frechu ar gyfer Covid-19. Wrth gyflwyno'r adroddiad, tynnodd Dorothy Edwards sylw at y pwyntiau canlynol: - Mae 210,000 o bobl bellach wedi cael brechiad ers dechrau'r rhaglen frechu; - Roedd y rhaglen yn dda yn gyffredinol i'r rhai dros 70 oed; - O ran brechu, roedd mwy o gynnydd yn cael ei wneud na'r hyn a gynlluniwyd;	

	- Byddai argaeledd y dosau yn sylweddol yn llai dros yr wythnosau i ddod oherwydd gostyngiad yn y cyflenwadau wrth i ail ddosau gael eu blaenoriaethu; - Roedd aelodau staff yn actio fel llysgenhadon dros y Gymuned Dduon ac Asiaidd a Lleiafrifoedd Ethnig (BAME) er mwyn cynyddu'r nifer sy'n derbyn y brechlyn; - Roedd cynlluniau peilot fferyllfeydd cymunedol ar raddfa fach i ddigwydd erbyn diwedd Mawrth 2021. Wrth drafod yr adroddiad, codwyd y pwyntiau canlynol: Holodd Martyn Waygood os oedd yna unrhyw ffigurau penodol mewn perthynas â'r nifer sy'n derbyn y brechlyn yn y cymunedau BAME. Dywedodd Keith Reid fod y bwlch o tua 12% dros y rhan fwyaf o'r grwpiau oedran heblaw y chweched garfan (sef y rhai â risgiau clinigol uchel), er bod 'ymgyrch gadael neb ar ôl' yn helpu i wneud iawn o'r gweddill. Soniodd Stephen Spill am yr 'imbiwlans' a oedd yn mynd â'r brechlyn i gymunedau anodd eu cyrraedd, a holodd a oedd ystyriaeth ynghylch cysylltu â chwmnïau ar raddfa fawr i ailfrandio un o'u cerbydau er mwyn i'r 'imbiwlans' gael mwy o gerbydau. Ymatebodd Dorothy Edwards mai'r bwriad oedd i brofi'r model cyn ystyried a ddylid ychwanegu cerbyd ychwanegol. Yn ychwaneg, roedd dewisiadau amgen eraill yn cael eu hystyried er mwyn cynyddu mynediad, megis fferyllfeydd cymunedol yn agor y tu allan i oriau arferol ar gyfer y rhai o'r oedran gweithio, a chlinigau galw heibio mewn ardaloedd anghysbell. Cymeradwyodd Nuria Zolle y gwaith i frechu'r cymunedau anodd eu cyrraedd, yn enwedig pobl ddi-gartref.	
Penderfyniad:	- Dylid nodi'r adroddiad; - Dylid cadarnhau penderfyniad y Cadeirydd i gomisiynu'r cynllun PCCIS ar gyfer y chweched garfan drwy bractisau'r meddygon teulu; - Dylid cymeradwyo'r risgiau lefel uchel sydd ar hyn o bryd yn cael eu rheoli drwy'r rhaglen a gweithredoedd lliniarol. -	
65/21	COFRESTR RISG Y BWRDD IECHYD	

	Derbyniwyd adroddiad yn nodi cofrestr risg y bwrdd iechyd. Wrth gyflwyno'r adroddiad, tynnodd Pam Wenger sylw at y pwyntiau canlynol: - Adolygodd y Pwyllgor Perfformiad a Chyllid a'r Pwyllgor Ansawdd a Diogelwch y risgiau a sgoriodd uchaf yn gysylltiedig â nhw, a nodon nhw sawl trawsgroesiad, ac felly dylid trefnu cydbwyllgor; - Gwahoddwyd y Bwrdd i ystyried a chytuno ar y newidiadau arfaethedig a gyflwynwyd gan y cyfarwyddwyr gweithredu – roedd rhai o'r newidiadau yn ymwneud â sgoriau ac roedd rhai eraill yn weithredoedd a gafodd eu diweddarau; - Byddai'r Cyfarwyddwr Nyrsio a Phrofiad y Claf yn arweinydd gweithredol dros risgiau o 1 Ebrill 2021 ymlaen. Wrth drafod yr adroddiad, codwyd y pwyntiau canlynol: Dywedodd Reena Owen, fel cadeirydd y Pwyllgor Perfformiad a Chyllid, fod y gofrestr risg wedi bod yn ychwanegiad defnyddiol yn y sesiynau cynllunio'r agenda i benderfynu ar pa bynciau i'w trafod yn ddwysach. Ymatebodd Mark Hackett y byddai cam tebyg yn cael ei gymryd yn nhermau'r cynllun blynyddol i nodi pa un amcan y dylid ei fonitro gan pa bwyllgor. Cynghorodd Martin Sollis y byddai fframwaith sicrwydd y bwrdd hefyd yn rhan annatod o'r fframwaith archwilio gan y byddai angen sicrwydd gan sawl llwybr petai'r bwrdd iechyd yn symud ymlaen. Dywedodd Emma Woollett os bydd y gofrestr risg yn mynd i gael ei defnyddio yn y ffordd iddi gael ei llunio, bydd angen mwy o wybodaeth am y camau a oedd yn cael eu cymryd i liniaru risgiau, a phryd byddai'r camau hynny yn dwyn ffrwyth.	
Penderfyniad:	- Dylid nodi'r adroddiad; - Dylid cymeradwyo'r newidiadau i'r sgoriau fel yr amlinellir yn yr adroddiad hwn; - Dylid cytuno y byddai'r tîm gweithredol yn sicrhau darpariaeth y gweithredoedd lliniarol er mwyn lleihau'r risgiau sydd ar y gofrestr risg; - Dylid cytuno i gynnal parodrwydd i dderbyn risg o 20 gydag adolygiad bob tri mis.	
66/21	ADRODDIADAU AR FATERION ALLWEDDOL	

	(i) <u>Pwyllgor Ansawdd a Diogelwch</u> Derbyniwyd a nodwyd adroddiad yn nodi trafodaethau'r Pwyllgor Ansawdd a Diogelwch. (ii) <u>Pwyllgor Perfformiad a Chyllid</u> Derbyniwyd adroddiad yn nodi trafodaethau'r Pwyllgor Perfformiad a Chyllid. (iii) <u>Pwyllgor Archwilio</u> Derbyniwyd a nodwyd adroddiad yn nodi trafodaethau'r Pwyllgor Archwilio. (iv) <u>Pwyllgor y Gweithlu a Datblygu Sefydliadol</u> Derbyniwyd a nodwyd adroddiad yn nodi trafodaethau Pwyllgor y Gweithlu a Datblygu Sefydliadol, a chynhaliwyd y drafodaeth ganlynol: Cynghorodd Tom Crick fod y pwyllgor am ganolbwyntio ar effaith hirdymor y pandemig ar staff, yn enwedig ei darpariaeth anghyson, a bod cynorthwyo'r gweithlu yn flaenoriaeth fawr i'r pwyllgor. Dywedodd Emma Woollett pa mor dda yw deall nad oes un ateb sy'n addas i bawb ynghylch y gefnogaeth a gynigir, a bod mesurau ehangach ar gael. (v) <u>Pwyllgor Cronfeydd Elusennol</u> Derbyniwyd a nodwyd adroddiad yn nodi trafodaethau'r Pwyllgor Cronfeydd Elusennol, a chynhaliwyd y drafodaeth ganlynol: Cynghorodd Martyn Waygood fod balans cronfa fyd-eang yr ymddiriedolwyr bellach yn £5.8 miliwn, a oedd yn golygu ei bod hi nawr ar y lefelau a welwyd cyn Covid-19. (vi) <u>Pwyllgor Deddfwriaeth Iechyd Meddwl</u> Derbyniwyd a nodwyd adroddiad yn nodi trafodaethau'r Pwyllgor Deddfwriaeth Iechyd Meddwl.	
67/21	DATBLYGIAD Y CYNLLUN BLYNYDDOL 2021-2022	
	Derbyniwyd adroddiad yn rhoi'r wybodaeth ddiweddaraf am ddatblygu cynllun blynyddol 2021-22. Wrth gyflwyno'r adroddiad, tynnwyd sylw at y pwyntiau canlynol:	

	(i) <u>Cyflwyniad Cyffredinol</u> - Roedd dal angen penderfynu ar ddyranu cyllid Cenedlaethol; - Roedd rhaid i sefydliadau gyflwyno eu cynlluniau fel drafft, erbyn dyddiad na phenderfynwyd arno eto, a'u cwblhau yn chwarter un o 2021-22; - Mae Llywodraeth Cymru wedi dirprwyo'r dewis a ddylai byrddau gytuno ar y cynlluniau i'w cyflwyno yn gyhoeddus neu'n breifat i'r sefydliadau eu hunain; - Byddai'r bwrdd iechyd yn cytuno ar ei gynllun mewn cyfarfod mewn-bwyllgor ar 30 Mawrth 2021 a'i gadarnhau yn gyhoeddus ar ddyddiad yn y dyfodol; - Roedd y Pwyllgor Perfformiad a Chyllid wedi derbyn cyflwyniad cynhwysfawr o'r dull cyllidol, yn debyg i gyflwyniad y Pwyllgor Ansawdd a Diogelwch ynghylch y blaenoriaethau ansawdd; - Adeiladwyd y cynllun ar y senario mwyaf tebygol o ddigwydd ynghylch Covid-19, ond gallai ei newid wrth i'r sefyllfa newid; - Roedd yn cynnwys lefel o uchelgais a allai ei darparu gan y bwrdd iechyd ei hunan, yn ogystal â lefel a allai ei chyflawni gydag adnoddau ychwanegol; - Cafodd gyrrwyr y cynllun eu torri yn amcanion, dulliau a chanlyniadau; - Byddai strategaeth iechyd poblogaethau'n cael ei datblygu yn 2021-22 ond cafodd blaenoriaethau eu cynnwys yn y cynllun; - Roedd rhaid buddsoddi er mwyn darparu mwy o wasanaethau yn lleol fel y bydd defnyddwyr gwasanaethau ond yn mynd i'r ysbyty pan fo angen, a byddant yn cael arhosiadau byrrach. Roedd yn cynnwys ysbyty i'r cartref a'r timau cymunedol aciwt; - Roedd disgwyl y byddai mwy o waith dethol yn cael ei ddarparu gan Ysbytai Singleton a Chastell-nedd Port Talbot er mwyn galluogi Ysbyty Treforys i reoli gofal brys a gofal arbenigol; (ii) <u>Iechyd Poblogaethau</u> - Roedd dwy gangen yn gysylltiedig ag iechyd poblogaethau – beth allai aelodau'r gymuned ei wneud er eu lles eu hunan, er enghraifft ysmegu, rheoli pwysau ac ymarfer corfforol, a beth allai ei wneud yn fwy strategol gyda phartneriaid rhanbarthol i ddatblygu mynediad mwy teg i wasanaethau;	
--	--	--

	(iii) <u>Ansawdd Gwasanaethau</u> - Dewiswyd pum blaenoriaeth ansoddol i ganolbwyntio arnynt (sef hunanladdiad, cwympiadau, atal a rheoli heintiau, sepsis a gofal diwedd oes), a thrafodwyd y rhain yn fanwl gyda'r Pwyllgor Ansawdd a Diogelwch; - Gwnaed y penderfyniad i ganolbwyntio ar bum blaenoriaeth er mwyn sicrhau y cafodd cynnydd clir ei gyflawni, a dewiswyd y blaenoriaethau penodol drwy ymgysylltu ag ystod eang o randdeiliaid clinigol; - Byddai'r blaenoriaethau ansoddol yn rhychwantu dros ofal sylfaenol a gofal eilaidd; - Gosodwyd canlyniadau ansoddol ar gyfer meysydd o risg uchel, megis mewnblianiad falf aorta drwy'r gathetr (TAVI) a gwddf neu ffemwr wedi'i dorri; (iv) <u>Y Gweithlu</u> - Cafwyd blwyddyn heriol i staff, ac roedd rhaid canolbwyntio ar adfer a chydnerthedd; - Roedd blaenoriaethau ar gyfer 2021-22 yn cynnwys iechyd a lles staff, recriwtio a chadw, effeithlonrwydd y gweithlu a phrofiad staff; - Byddai gwaith pellach yn cael ei wneud i ddatblygu strategaethau pobl benodol a fyddai'n gyrru'r gwaith yn ei flaen; (v) <u>Cyllid</u> - Derbyniwyd y llythyr dyrannu gan Lywodraeth Cymru, a oedd yn amlinellu cynnydd o 2% ar sail anghenion y boblogaeth; - Byddai'n rhaid cadw'r pwysau cost o 2021-22 ar eu hisaf, a hefyd roedd angen cynllun arbed cynhwysfawr er mwyn darparu'r newid angenrheidiol mewn gwasanaeth o fewn cynllun cyllidol credadwy; - Derbyniwyd cadarnhâd am arian Covid-19 ar gyfer chwe mis cyntaf y flwyddyn, felly roedd yn glir beth fyddai'n cael ei ariannu'n genedlaethol a beth fyddai angen cael ei wneud yn lleol; - Sefydlwyd gwaelodlin ar sail canlyniadau 2019-20 pob uned. Byddai angen rheoli hyn gyda disgyblaeth, gan na ellid cymryd yr un camau ynglŷn â gwario y flwyddyn nesaf fel y flwyddyn hon; (vi) <u>Casgliad</u>	
--	---	--

	- Gwnaed llawer o waith sylweddol er mwyn datblygu drafft y cynllun blynyddol, ac roedd bellach angen ystyriaeth er mwyn ei roi ar waith; - Y risgiau allweddol yn gysylltiedig â'r cynllun oedd Covid-19, gallu'r gweithlu i gyflawni, cadarnhau effeithlondebau ar gyfer y capasiti yr oedd ei angen, a darparu cynlluniau arbed; - Byddai'r tîm gweithredol i gael sesiwn bwrpasol i ganolbwyntio ar sut bydd y cynllun yn cael ei weithredu. Wrth drafod yr adroddiad, codwyd y pwyntiau canlynol: Dyweddodd Mark Hackett mai prif ffocws ar gyfer 2021-22 fyddai'r hyn sy'n bwysig i'r cyhoedd a'r cleifion, megis lefelau isel o heintio, gofal diwedd oes addas, gwasanaeth meddyginiaeth brys, ymatebol a chyfun, ac arhosiadau byrrach yn yr ysbyty, er enghraifft. Yn ogystal, byddai disgwyl i staff gael eu cefnogi, yn enwedig yn sgil yr hyn y maent wedi'u haberthu. Byddai'n her fawr i'r bwrdd iechyd, yn enwedig yng nghyd-destun Deddf Llesiant Cenedlaethau'r Dyfodol a strategaeth 'Cymru Iachach' Llywodraeth Cymru. Yn wreiddiol, roedd y cam sy'n cael ei gymryd yn un a gynhyrchwyd gyda, ac i'w gyflawni gan, y timau clinigol, ac roedd ymgysylltu'n allweddol i ddangos sut byddai hyn yn gwneud arferion gweithio a gwasanaethau i gleifion yn well. Dyweddodd Emma Woollett fod hyn yn uchelgais mwy holistig na osodwyd o'r blaen, a phan fu'r bwrdd iechyd ar statws uwchgyfeirio ac ymyrraeth wedi'i thargedu, bu'r ffocws ar ofal eilaidd. Wrth ystyried iechyd poblogaethau bellach, roedd hwn yn gam da i'w gymryd. Dyweddodd Reena Owen ei bod hi'n dda gweld yr amgylchedd a natur yn cael eu cynnwys yn yr amcanion lles, gan eu bod nhw'n cael effaith sylweddol ar iechyd corfforol ac iechyd meddyliol staff a chleifion. Ychwanegodd ei bod hi'n cefnogi cael nifer fach o flaenoriaethau ansoddol i ganolbwyntio arnynt, ac er ei bod hi'n dda cael cynllun uchelgeisiol, roedd rhaid cael elfen o realaeth ynghylch beth ellid ei gyflawni wrth i Covid-19 barhau. Felly, roedd angen i'r cynllun gael ei gynnwys yng nghyd-destun cynllun o dymor hirach, sef cynllun tair blynedd neu gynllun pum mlynedd. Crynhodd Emma Woollett fod yn gywir i herio'r cynllun, ac roedd rhaid gosod cerrig milltir realistig gan ei bod hi'n bwysig bod cynnydd yn amlwg.	SHG
--	--	-------------------

	GWEITHRED – cerrig milltir realistig ar gyfer darparu'r cynllun blynyddol 2021-22 i'w datblygu a'u cyflwyno i'r bwrdd.	
Penderfyniad:	- Dylid nodi'r adroddiad; - Cytunwyd ar y gwaith pellach ar y gweill i gwblhau'r cynllun; - Dylid cymeradwyo'r amcanion lles newydd i'w cyhoeddi yn adroddiad blynyddol 2021-22; - Cerrig milltir realistig er mwyn darparu cynllun blynyddol 2021-22 i'w datblygu a'u cyflwyno i'r bwrdd.	SHG
68/21	CAEL GWARED O DREHAFOD YNG NGHEFN COED	
	Derbyniwyd adroddiad yn ceisio am gymeradwyaeth er mwyn cael gwared o Drehafoed yng Nghefn Coed. Wrth drafod yr adroddiad, codwyd y pwyntiau canlynol: Dywedodd Maggie Berry fod y camau newydd oedd yn cael eu cymryd er mwyn cael gwared o lety ychwanegol yn gwneud gwahaniaeth sylweddol i'r cymunedau lleol. Gofynnodd Reena Owen am sicrwydd y cysylltwyd â'r gwasanaethau iechyd meddwl plant a'r glasoed (CAMHS) yn Nhrehafoed ynghylch yr angen i ail-leoli'r gwasanaeth. Cyngorodd Siân Harrop-Griffiths fod ymgysylltiad llawn wedi cael ei wneud gyda'r staff a'r defnyddwyr gwasanaethau, a gwnaeth y broses i wacáu'r adeilad gymryd yn hirach na'r disgwyl er mwyn sicrhau y cwblhawyd yr ymgynghoriad yn briodol. Gofynnodd Emma Woollett am gadarnhâd na fyddai'r broses o gael gwared o Drehafoed yn cyfyngu ar sgôp Ysbyty Cefn Coed. Cadarnhaodd Siân Harrop-Griffiths fod y broses yn rhan o gynllun mawr y safle.	
Penderfyniad:	- Dylid nodi'r adroddiad. - Dylid cymeradwyo bod Trehafoed yn cael ei ddatgan yn ychwanegol i ofynion, ac ei fod ar gael i gael gwared ohono; - Dylid cymeradwyo y gellid cael gwared o'r eiddo yn y farchnad agored drwy'r un strategaeth farchnata a gafodd ei rhoi ar waith i werthu eiddo blaenorol y bwrdd iechyd, sef	

	'Fairfield', a gafodd ei werthu'n ddiweddar yn unol â Deddf Llesiant Cenedlaethau'r Dyfodol (Cymru) 2015; - Dylid cytuno bod yr un meini prawf yn cael eu defnyddio ar gyfer pob gwarediad dyfodol yn y farchnad agored.	
69/21	CYTUNDEBAU LEFEL GWASANAETH A CHYTUNDEBAU HIRDYMOR	
	Derbyniwyd adroddiad yn ceisio am gymeradwyaeth ar gyfer y cytundebau lefel gwasanaeth a'r cytundebau hirdymor ar gyfer 2021-22. Wrth gyflwyno'r adroddiad, tynnodd Darren Griffiths sylw at y pwyntiau canlynol: - Cymedrolwyd y cytundebau lefel gwasanaeth a'r cytundebau hirdymor gyda Bwrdd Iechyd Cwm Taf Morgannwg ar sail yr integreiddio gydag Ysbyty Castell-nedd Port Talbot; - 'Rhewyd' y cytundebau hirdymor fel rhan o gytundeb Cymru Gyfan i alluogi arian i lifo yn 2020-21, ac roedd disgwyl y byddai hyn yn digwydd eto yn chwarter un o 2021-22 o leiaf, ac ar ôl hynny efallai byddai model arall yn cael ei fabwysiadu.	
Penderfyniad:	- Dylid nodi'r adroddiad; - Dylid cymeradwyo'r cytundebau lefel gwasanaeth a'r cytundebau hirdymor fel sylfaen, a chynhelir trafodaethau o'r herwydd yn 2021-22.	
70/21	MABWYSIADU'R FFRAMWAITH CYD-GYNHYRCHU, Y PECYN CYMORTH A'R SIARTER	
	Derbyniwyd adroddiad yn nodi'r fframwaith cyd-gynhyrchu, y pecyn cymorth a'r siarter i'w cymeradwyo. Wrth gyflwyno'r adroddiad, tynnodd Siân Harrop-Griffiths sylw at y pwyntiau canlynol: - Mae'r gwaith cyd-gynhyrchu ar y gweill ers cryn dipyn o amser, ond mae Covid-19 wedi oedi'r ddarpariaeth; - Cytunwyd ar y fframwaith, y pecyn cymorth a'r siarter gan Fwrdd Partneriaeth Rhanbarthol Gorllewin Morgannwg yn ei gyfarfod diweddaraf;	

	- Datblygid cynllun yn fewnol ac yn rhanbarthol er mwyn eu gweithredu; - Cymerwyd camau ar sail asedau i ysytyried pa effaith y byddai newidiadau yn ei chael ar bobl; - Ni fyddai cyd-gynhyrchu yn addas at bob sefyllfa; - Byddai'r dogfennau yn helpu i gynorthwyo darpariaeth y cynllun blynyddol a'r cynllun gwasanaethau clinigol wrth i'r newid mewn gwasanaeth gael ei weithredu. Wrth drafod yr adroddiad, codwyd y pwyntiau canlynol: Dywedodd Lee Ellery nad oedd Grŵp Cyd-gynhyrchu Gorllewin Morgannwg eisiau i'r darn hwn o waith gael ei gadarnhau heddiw yn unig ac yna'i roi o'r neilltu – roedd angen ei fabwysiadu a'i gynnwys ym mhob agwedd o waith y Bwrdd. Roedd rhaid gweld newidiadau, a dyma oedd dechrau'r gwaith. Cytunodd Emma Woollett, gan ychwanegu mai her y bwrdd iechyd oedd penderfynu ar sut i'w weithredu. Dywedodd Nuria Zolle ei bod hi'n bwysig bod y Bwrdd yn deall y byddai'r gwaith cyd-gynhyrchu yn cael effaith ar y ffordd y mae'n gwneud busnes, a byddai'n ei annog i feddwl am ei wasanaethau mewn ffordd y byddai o bwys i'r rhai oedd yn eu defnyddio, ac a fyddai'r newidadau o fudd. Nododd Reena Owen fod nod i gael cynllun gweithredu ar waith erbyn Gorffennaf 2021, a gofynnodd a oedd yna rywbeth a ddylai gael ei gymeradwyo gan y Bwrdd. Ymatebodd Mark Hackett fod rhaid cynnwys aelodau'r Bwrdd, y Tîm Arwain Uwch a'r sector gwirfoddol wrth baratoi'r cynllun gweithredu drwy weithgor er mwyn sicrhau ymgysylltiad da. Cadarnhaodd Gaynor Richards y syniad hwn, gan ychwanegu y byddai Grŵp Cyd-gynhyrchu Gorllewin Morgannwg yn cefnogi'r Bwrdd Iechyd mewn unrhyw ffordd y gallai. CAM GWEITHREDU – Dylid sefydlu grŵp gorchwyl a gorffen er mwyn datblygu'r cynllun gweithredu'r gwaith cyd-gynhyrchu, a dylid cyflwyno'r fersiwn derfynol i'r Bwrdd ym mis Gorffennaf 2021. CAM GWEITHREDU – Dylai aelodau annibynnol sydd eisiau bod yn rhan o broses y cynllun gweithredu anfon e-bost at Siân Harrop-Griffiths. Holodd Keith Reid i ba raddau y byddai cyd-gynhyrchu yn cael ei weld fel proses integredig, ac a oedd risg y byddai'n creu rhwystrau i ymgysylltu ag aelodau eraill o'r cyhoedd. Ymatebodd Gaynor	SHG Aelodau Annibynnol
--	--	--------------------------------------

	Richards fod gwaith i'w gwblhau ar y broses, ond roedd hi'n hanfodol na fydd yn eithrio unrhyw un rhag ymgysylltu. Dyweddodd Emma Woollett y byddai siecbwyntiau yn bwysig er mwyn monitro cynnydd, a thra ei bod hi'n bwysig bod yn realistig ynghylch beth allai gael ei gyflawni oherwydd yr amgylchiadau presennol, roedd yn bwysig bod y broses yn symud yn ei blaen. Ar ran y bwrdd, diolchodd i Lee Ellery a Gaynor Richards am eu gwaith hyd heddiw.	
Penderfyniad:	- Dylid cymeradwyo mabwysiad y fframwaith cyd-gynhyrchu; - Dylid cymeradwyo mabwysiad y pecyn cymorth cyd-gynhyrchu; - Dylid cymeradwyo mabwysiad y siarter gyd-gynhyrchu; - Dylid cytuno ar gamau a graddfeydd amser nesaf i sicrhau y caiff cyd-gynhyrchu ei osod yng ngwaith y bwrdd iechyd. - Dylid sefydlu grŵp gorchwyl a gorffen er mwyn datblygu'r cynllun gweithredu i weithredu'r gwaith cyd-gynhyrchu, a dylid cyflwyno'r fersiwn derfynol i'r Bwrdd ym mis Gorffennaf 2021; - Dylai aelodau annibynnol sydd eisiau bod yn rhan o broses y cynllun gweithredu anfon e-bost at Siân Harrop-Griffiths.	SHG Aelodau Annibynnol
71/21	CYNNYDD CHWYDDIANNOL AR GYFER GOFAL NYRSIO A ARIENNIR	
	Derbyniwyd adroddiad yn nodi'r cynnydd chwyddiannol ar gyfer nyrsio a ariennir i'w gymeradwyo. Wrth drafod yr adroddiad, chwiliodd Martin Sollis am sicrwydd bod pob sefydliad GIG Cymru wedi cytuno ar yr un fethodoleg gan mai pwrpas y broses oedd i beidio â gwahanu. Cadarnhaodd Darren Griffiths y byddai pob sefydliad yn dilyn yr un broses.	
Penderfyniad:	- Dylid nodi'r adroddiad; - Dylid cytuno bod angen i fyrddu iechyd adolygu'r fethodoleg; - Dylid cytuno ar argymhellion gweithwyr proffesiynol ac arweinwyr cyllid, prif gyfarwyddwyr gweithredol a phrif swyddogion gweithredol y bwrdd iechyd y dylid cadw mecanwaith y cynnydd chwyddiannol ar gyfer 2021-22, gydag ymroddiad i'w adolygu wrth i sefyllfa'r polisi gael ei diweddarau;	

	- Cadw mecanwaith y cynnydd chwyddiannol fel yr opsiwn argymhelledig ar gyfer 2021-22, gydag ymroddiad i adolygu'r fethodoleg pan fo sefyllfa'r polisi ar gael.	
72/21	TROSGLWYDDO GOLCHDY LLANSAMLET	
	Derbyniwyd adroddiad yn gofyn am gymeradwyaeth ar gyfer trosglwyddo golchdy Llansamlet. Wrth drafod yr adroddiad, gofynnodd Emma Woollett am sicrwydd na fydd y trosglwyddiad yn cael effaith ar sefyllfa ariannol y bwrdd iechyd. Cyngorodd Darren Griffiths fod yna rai manylion oedd dal angen eu trefnu ynglŷn â goddef er mwyn amddiffyn y sefyllfa, ond ni fydd yn cael effaith ar y bwrdd iechyd yn gyffredinol.	
Penderfyniad:	- Dylid nodi'r adroddiad; - Dylid cymeradwyo'r trosglwyddiad o bob rhan gyfansoddol a nodwyd mewn perthynas â chyllid, y gweithlu a logisteg i alluogi PCGC i barhau i redeg golchdy Llansamlet tan ddiwedd y rhaglen olchi Cymru gyfan, a bod trawsnewid tuag at gyfleuster newydd fel y'i amlinellir o fewn achos y rhaglen fusnes; - Dylid cymeradwyo'r trosglwyddiad o asedau a rhwymedigaethau priodol i PCGC ar 1 Ebrill 2021; - Dylid noddi parhad tanategu gwasanaethau cymorth megis TG, cynnal a chadw a ddarperir yn allanol, neu unrhyw wasanaeth arall a ddarperir i'r gwasanaeth golchdy gan y bwrdd iechyd neu 3ydd parti nes bod trosglwyddiad addas, arloesiad, a gweithgareddau mudo yn cael eu trefnu.	
73/21	ADRODDIAD PERFFORMIAD	
	Derbyniwyd yr adroddiad perfformiad integredig. Wrth gyflwyno'r adroddiad, tynnodd Darren Griffiths sylw at y pwyntiau canlynol: - Mae'r amserau aros o bedair awr ar gyfer gofal heb ei drefnu wedi gwella o 72% i 76%, gyda gostyngiad cysylltiedig yn yr arhosiadau 12-awr hefyd;	

	- Nid yw mynediad i ofal wedi'i gynllunio cystal â'r hyn y mae'r bwrdd iechyd yn ei ddymuno, ac felly byddai uchelgais cryf i gyfeirio at hyn yn cael ei gynnwys yn y cynllun blynyddol; - Roedd perfformiad y llwybr canser unigol yn 60% yn erbyn targed o 70%. Wrth drafod yr adroddiad, tynnodd Emma Woollett sylw at yr argymhelliad i wella'r newid i'r fframwaith perfformiad cyfredol, a gofynnodd am fanylion pellach ynghylch y gofyn. Ymatebodd Darren Griffiths i'r adroddiad fod yn ôl-weithredol yn hanesyddol, ac roedd hwn yn gyfle i'w ail-lunio i ganolbwyntio ar ffactorau sgiliau critigol er mwyn cynnig synnwr o'r dyfodol ac i adlewyrchu uchelgeisiau'r bwrdd. Awgrymodd Emma Woollett y dylid cynnwys cadeiryddion y Pwyllgorau Perfformiad a Chyllid ac Ansawdd a Diogelwch yn y trafodaethau hyn. Cytunwyd ar ei hawgrym. CAM GWEITHREDU – dylid cynnwys cadeiryddion y Pwyllgorau Perfformiad a Chyllid ac Ansawdd a Diogelwch yn y trafodaethau sy'n ymwneud â'r fframwaith perfformiad diwygiedig.	DG
Penderfyniad:	- Dylid nodi'r adroddiad; - Dylid cefnogi adolygiad o'r adroddiad perfformiad ar gyfer chwarter un 2021-22 er mwyn rhoi adroddiad gyda ffocws pendant i'r Bwrdd gan ddefnyddio cyfres o fesurau allweddol sydd wedi'u hunioni gyda chynllun blynyddol 2021/22; - Dylid cymeradwyo diwygio'r fframwaith adrodd perfformiad cyfredol ar gyfer y bwrdd iechyd a'i is-bwyllgorau er mwyn symleiddio adrodd a sicrhau mai dim ond materion allweddol sy'n cael eu codi i'r Bwrdd; - Dylid cytuno bod llwybrau perfformiad sy'n gysylltiedig â'r adroddiad blynyddol yn cael eu cynnwys yn adroddiadau perfformiad y bwrdd iechyd ar gyfer 2021-22; - Dylid cytuno y bydd adroddiad perfformiad y bwrdd iechyd ar gyfer 2021-22 yn cynnwys y camau sy'n cael eu cymryd i gyfeirio at wella perfformiad mewn ardaloedd blaenoriaeth; - Dylid cynnwys cadeiryddion y pwyllgorau Perfformiad a Chyllid ac Ansawdd a Diogelwch yn y trafodaethau sy'n ymwneud â'r fframwaith perfformiad diwygiedig.	DG
74/21	ADRODDIAD ARIANNOL	

	Derbyniwyd adroddiad yn nodi'r sefyllfa ariannol ar gyfer mis 11. Wrth gyflwyno'r adroddiad, tynnodd Darren Griffiths sylw at y pwyntiau canlynol: - Y sefyllfa fisol oedd gorwariant o £1.75m a oedd yn arwain at gost gronol o £22.33m o ganlyniad i gyllid ychwanegol ar gyfer gwariant Covid-19 gan Lywodraeth Cymru; - Roedd digswyl i'r sefyllfa fodloni'r diffyg arian o £24.4m a ragolygwyd ar ddechrau'r flwyddyn.	
Penderfyniad:	- Dylid nodi'r adroddiad.	
75/21	MATERION LLYWODRAETHU CORFFORAETHOL	
	Derbyniwyd adroddiad yn nodi materion llywodraethu corfforaethol. Wrth gyflwyno'r adroddiad, cynghorodd Pam Wenger fod y Bwrdd wedi cytuno ar newidadau dros dro i'w reolau sefydlog ar ddechrau'r pandemig yn unol â chanllawiau Llywodraeth Cymru. Roedd y newidiadau hyn ond yn berthnasol tan Fawrth 21, ac felly gofynnwyd am gymeradwyaeth i newid y dogfennau hyn i'w fersiynau gwreiddiol. Cytunwyd ar hyn.	
Penderfyniad:	- Dylid nodi'r adroddiad; - Dylid cymeradwyo'r newidiadau i drefniadau'r pwyllgor a chytuno y bydd y rhain yn cael eu hadolygu'n fisol gan y Cadeirydd, y Prif Weithredwr a'r Cyfarwyddwr Llywodraethu Corfforaethol; - Dylid cymeradwyo dod â'r rheolau sefydlog yn ôl i'r trefniadau ar gyfer apwyntiadau, a'r Cyfarfod Cyffredinol Blyneddol wedi'i drefnu cyn Covid-19.	
76/21	PARTNERIAETHAU'R GIG A CHOMISIYNU	
	Derbyniwyd a nodwyd adroddiad yn nodi'r wybodaeth ddiweddaraf am bartneriaethau'r GIG a'r trefniadau comisiynu.	
77/21	TRACIO CYNNYDD AR GYFER CHWARTER TRI/PEDWAR Y CYNLLUN GWEITHREDU	

	Derbyniwyd a nodwyd adroddiad yn nodi'r cynnydd yn erbyn y cynllun gweithredu ar gyfer chwarter tri/pedwar.	
78/21	DIWEDDARIAD AR BARTNERIAETHAU ALLANOL	
	Derbyniwyd a nodwyd adroddiad yn nodi'r wybodaeth ddiweddaraf am drefniadau partneriaethau allanol.	
79/21	UNRHYW FUSNES ARALL	
	Nid oedd unrhyw fusnes pellach, a daeth y cyfarfod i ben.	
80/21	DYDDIAD CYFARFOD NESAF Y BWRDD	
	Cadarnhawyd mai dyddiad y cyfarfod nesaf oedd 27 Mai 2021.	